

אדם רע מעללים המשסה בן לתבוע מאמו האלמנה ירושתו

Hand of ...

TS 13 p 16, f. 3 * Common Mother

- 1 [אלכניסיה מחלקת ואנא אחדי אלקהל
- 2 ואסוסה אלי אן טמע פיי וצאר יגבהני באלקביח ואתגאצא ענה
- 3 ואקול לעלה ירתגע והו ינתסב אלי אלברקייין . אקול אלוקת צעב
- 4 וליס אריד אשגל קלב טיידנא יחי לעד לאנני אעלם שגל סרה
- 5 פי תלך אלמדה אלי אן עמד הלא אלאנסאן אלי צבי יתים רבאחה
- 6 ואלדתה ועלמתה אלמקרא גרבה אליה ואפסדה וקאל לה אנא
- 7 אתוכל לך עלי ואלדתך ואפסד בינה ובינהא וצמן ענה שרי
- 8 ענב ודכל אלצבי אלי ענד ואלדתה סרק מצחף תורה אבאעה לה
- 9 וגאת אלאלמנה קובלת וצווחת אלי אן אחצרתה קדאם אלקהל ואקמת
- 10 עליה אלהיבה ורדדת אלמצחף אודעתה ענד רבי אברהם אלדרעי
- 11 חרסה אללה ולם ירתגע אלא ולב אלצבי מצא אלי ענד אלקאציי
- 12 טאלבהא במירת אביה ורגעת אסתדעיתה פי וסט אלקהל
- 13 וקלת לה יא הלא מא חלל אללה לך תפעל תדה אלאפעאל ותגהד
- 14 פי פסאד חאל הלא אלצבי מע אמה קאל ליס ארחגע ואנא אתוכל
- 15 לה ענד אלצלטאן ואטאלבהא קלת לה אנא ואלשיוך אמרה
- 16 יושבת בבית אלמנותה ליס לאחד יטאלבהא ובאלכאץ הי רבת
- 17 אולאדהא אטפאל אלי אן כברו ועלמתהם אלחורה ליס לך תצייק
- 18 עליהא באמרך לם יקבל אלי אן גאר לה רגל מן אקרבהאא וקאל
- 19 לה אנת ליס תקבל מן חכם ישראל אלא באלצלטאן סיר מעה אלי
- 20 אלצלטאן ותואתבו גמיעא וגרי לנא צראע עצים במא גרי
- 21 בינהם וכתבו אלשיוך מחצר משרוח בגמיע קצתהם
- 22 ואנפדות צחבה דאוד אל... ובלגנא אנה סאפר הו ואכיה

כאן...
כאן...